

# Gwneud mwy o wahaniaeth gyda'n gilydd

**WcVA**  
**CgGC**

Cyhoeddwyd Tachwedd 2022

Cyngor Gweithredu Gwirfoddol Cymru  
Rhif Elusen Gofrestredig 218093  
Cwmni cyfyngedig drwy warant 425299  
Cofrestrwyd yng Nghymru

**Adroddiad blynyddol 2021/22**

0300 111 0124 | [www.wcva.cymru](http://www.wcva.cymru)

# Croeso

## Helo a chroeso i'n Hadroddiad Blynyddol ar gyfer 2021/22.

### NI FU GWERTH Y SECTOR GWIRFODDOL ERIOD MOR GRYF.

Bu ail flwyddyn y pandemig yn heriol ofnadwy i fudiadau gwirfoddol yng Nghymru, ond bu'r ymateb gan ein sector yn anhygoel.

A bod yn onest, ni fyddai Cymru wedi dod drwy'r cyfnod hwn heb ymdrechion anhygoel gwirfoddolwyr a mudiadau gwirfoddol ar hyd a lled y wlad.

Yn CGGC, gwnaethom bopeth o fewn ein gallu i alluogi'r sector gwirfoddol i ateb heriau COVID-19 ac ymateb i anghenion pobl a chymunedau Cymru, a thu hwnt.

**1** Gwnaethom ddsbarthu mwy o gyllid i'r mudiadau sydd wedi gwneud cymaint o wahaniaeth mawr i'n cymunedau yn ystod y pandemig.

**2** Gwnaethom siarad o blaid mudiadau gwirfoddol pan oedd o bwys ac, o ganlyniad, newidiwyd rhaglenni llywodraethol.

**3** Trwy ein sesiynau hyfforddi, ein digwyddiadau a'n gweminarau, gwnaethom gefnogi miloedd o bobl yn llythrennol mewn mudiadau gwirfoddol a rhoi'r wybodaeth a'r sgiliau oedd eu hangen arnynt i ymateb i'r pandemig.

Gobeithio y byddwch chi'n mwynhau ein Hadroddiad Blynyddol.



**Ruth Marks MBE**  
Prif Weithredwr



**Peter Davies CBE**  
Cadeirydd

# Ein nodau

## Cynllun newid CGGC 2017-22

### NODAU MEWNOL

Mae CGGC yn fwy cynaliadwy a chyfrifol

Mae CGGC yn gwneud defnydd gwell o adnoddau mwy amrywiol

### GWEITHGAREDDAU

Catalydd ar gyfer newid cadarnhaol: cysylltu, galluogi, dylanwadu

### NODAU ALLANOL

Mae mudiadau gwirfoddol a gwirfoddoli'n gryfach ac yn fwy gwydn

Mae mudiadau gwirfoddol a gwirfoddoli yn cael eu gwerthfawrogi mwy a rhoddir mwy o ffydd ynddynt

Mae mudiadau gwirfoddol a gwirfoddoli yn cael mwy o effaith ar lesiant pobl, nawr ac yn y dyfodol

### EIN GWELEDIGAETH

Dyfodol lle mae mudiadau gwirfoddol a gwirfoddoli yn ffynnu ledled Cymru, gan wella llesiant pawb

## Ein nod

# Mae mudiadau gwirfoddol yn gryfach ac yn fwy gwydn

Os yw mudiadau gwirfoddol yn mynd i wneud y gwahaniaeth mwyaf y gallant eu gwneud, mae angen iddynt fod yn gryf eu hunain. Yn ail flwyddyn y pandemig, gwnaethom addasu ein gwasanaethau wrth i'r sector droi ei olwg o oroesi i ailgodi ac addasu i'r dirwedd newydd a'r pethau ansicr newydd.

# Beth wnaethom ni

**1** Gwnaethom ni ddsbarthu £28.9 miliwn mewn cyllid grant a benthyciadau i'r sector, o'i gymharu â £47 miliwn yn 2020/21 ac £14.6 miliwn yn 2019/20. O hwn, roedd £6.7 miliwn yn gyllid a oedd yn ymwneud â COVID-19

**2** Gwnaethom ni alluogi dysgu a chymorth rhwng cymheiriaid, a ddarparwyd drwy 178 o ddigwyddiadau, gweminarau a chyrtsiau hyfforddi i 4,008 o gyfranogwyr

**3** Gwnaethom ni ddarparu amrediad o wybodaeth a gwasanaethau cymorth ar gyfer y sector. Roedd hyn yn cynnwys diweddariadau COVID-19, help gyda chyflawni safonau ansawdd (fel Buddsoddi mewn Gwirfoddolwyr a'r Marc Elusen Ddibynadwy) a chymorth gyda llywodraethu, cyllid a diogelu

**4** Trwy wefan Gwirfoddoli Cymru, gwnaethom ni helpu i gynorthwyo 6,764 o wirfoddolwyr i gofrestru ar gyfer cyfle gwirfoddoli

**Dde:** Rebecca Evans AS yn ymweld â Llys yr Esgob, Abergwili i weld un o'r prosiectau a gyllidwyd gan ein Cynllun Cymunedau y Dreth Gwarediadau Tirlenwi ►



# Grantiau a benthyciadau a ddosbarthwyd i'r sector - £28.9 miliwn



**£618,567**

Grantiau buddsoddiad cymdeithasol

**£5,460,053**

Cymorth lleol i'r sector



**£5,187,905**  
Lleihau anweithgarwch economaidd



**£603,952**

Partneriaethau natur lleol



**£102,925**

Cefnogi a chryfhau gweithredu cymunedol




**£462,557**  
Grantiau amgylcheddol



**£5,899,697**  
Prosiectau cyfalaf i adfer a gwella natur

**£6,698,859**

Grantiau goroesi a  
ffynnu COVID-19



**£303,000**

Hyfforddiant a  
datblygiad ar gyfer  
lleoliadau sector



**£927,283**

Prosiectau rhwng  
Cymru ac Affrica



**£569,049**

Benthyciadau  
buddsoddiad cymdeithasol

**£12,938**

Arall



**£87,525**

Cynnal rhwydweithiau'r sector gwirfoddol



**£67,000**

Benthyciadau  
asedau  
cymunedol

**£1,864,849** Grantiau gwirfoddoli



# Y gwahaniaeth a wnaethom

**1** Gwnaeth 96% o ddysgwyr ar ein rhaglen hyfforddi raddio ein cyrsiau fel da neu ardderchog

**2** Cawsom werthusiad annibynnol cadarnhaol o'r cynllun peilot ar gyfer Cronfa Gymunedol Comic Relief yng Nghymru. Mewn partneriaeth ag arweinwyr rhanbarthol Cyngorau Gwirfoddol Sirol, llwyddodd CGGC i gyflwyno'r cynllun hwn fel cyfryngwr Comic Relief. Gwnaeth y grantiau Twf Sefydliadau ddyfarnu £240,000 i chwe mudiad ar hyd a lled Cymru ar gyfer prosiect i gynyddu capasiti'r mudiadau, datblygu maes gwaith newydd neu lenwi bwlch mewn sgiliau. Bu llawer o gystadleuaeth am y grant, a derbyniwyd 95 o geisiadau

**3** Gwnaeth ein prosiect Catalydd Cymru: Treftadaeth Wydn orffen yn gryf, gyda 23 o fudiadau treftadaeth yn llwyddo i gwblhau'r rhaglen hyfforddi erbyn mis Medi 2021. Gwnaeth chwe mudiad (26% o'r rheini a hyfforddwyd) symud y tu hwnt i gynyddu capasiti i amrywio ffrydiau incwm drwy roi strategaethau cyllido a ddatblygwyd yn ystod yr hyfforddiant ar waith. Erbyn diwedd y rhaglen, gellid priodoli £273,553 o'r incwm a gynhyrchwyd yn uniongyrchol i hyfforddiant Catalydd Cymrucoaching by the end of the programme

◀ **Chwith:** Mae ardal Barrack Hill yn edrych gymaint yn well ar ôl ymyrraeth gan Bartneriaethau Natur Lleol (LNPs) Sir Fynwy a Chasnewydd, rhan o'n prosiect LNP Cymru





# Yr hyn y gwnaethoch chi ei ddweud am gynllun peilot Twf Sefydliadol Comic Relief

Cafodd yr adroddiad effaith ar gyfer y cynllun peilot hwn ei ryddhau'r flwyddyn hon, ac mae ei lwyddiant profedig wedi arwain at gylch newydd o gyllid ar gyfer 2022/23.

‘Er nad hwn yw'r grant mwyaf rydyn ni wedi'i dderbyn, d'oes dim dwywaith nad hwn yw'r un sydd wedi cael yr effaith fwyaf. Mae natur y grant wedi ein galluogi i fuddsoddi yn ein dyfodol, yn hytrach na dim ond ymateb i'r hyn sy'n digwydd ar y pryd.’

**Canolfan Cymorth Trais Canolbarth Cymru**

‘Mae grant Comic Relief wedi cael yr arwyddocâd mwyaf pellgyrhaeddol o'r holl grantiau neu gymorth rydyn ni wedi'u derbyn ar gyfer Grow Cardiff. Ni allaf orbwysleisio pwysigrwydd ac effaith eich cymorth ar dwf a chynaliadwyedd ein mudiad.’

**Grow Cardiff**

## Yr hyn y gwnaethoch chi ei ddweud am ein hyfforddiant Catalydd Cymru: Treftadaeth Wydn

‘Roedd yr hyfforddwr yn berffaith ar gyfer ein mudiad, yn frwdfrydig a gwybodus iawn.’

‘Roeddwn i’n credu bod yr hyn a gawson ni’n wych. Roedd e’n teimlo eu bod yn mynd yr ail filltir i’r hyn roedd gennym ni’r hawl i’w gael. Roedd y tu hwnt i’n disgwyliadau ni’n bendant... i gael y lefel honno o gymorth ymarferol go iawn.’

◀ **Chwith:** Un o gyfranogwyr Sefydliad y Deillion Merthyr Tudful yn adeiladu dodrefn wedi’u haddasu at ddibenion gwahanol ar gyfer swyddfeydd newydd CGGC, rhan o brosiect cyflogaeth a gyllidwyd gan ein Cronfa Cynhwysiant Gweithredol

## Yr hyn y gwnaethoch chi ei ddweud am ein Cronfa Gwydnwch y Trydydd Sector

‘Heb y grant hwn, rydyn ni’n credu’n gryf na fydden [ni] yn gweithredu nawr o bosibl o ganlyniad i’r amgylchiadau sylweddol ac anodd rydyn ni’n eu hwynebu.’

**Hamdden Harlech ac Ardudwy**

‘Mae’r cyllid wedi caniatáu i ni ddal ati mewn cyfnod ansicr dros ben pan mae teuluoedd wedi ein hangen fwyaf. Rydyn ni wedi gallu cyflwyno miloedd o sesiynau ar-lein gan gefnogi nid yn unig y plant a’r bobl ifanc ag anableddau, ond hefyd eu brodyr a chworydd, rhieni/gofalwyr.

‘Mae eich staff yn glod llwyr i chi. Mae eu brwdfrydedd i hysbysu, i’n helpu ni i ddeall mwy, yn rhagorol.’ **Dilynwch Eich Breuddwydion**

‘Mae’r cyllid yn bwysig tu hwnt o ran ein helpu ni i ddod yn fwy gwydn fel mudiad ac i amrywio ein ffrydiau cyllid.

‘Diolch o galon am agor y gronfa hon!’ Mae’n gronfa ardderchog ac yn gwmws beth sydd ei hangen arnom ni – proses godi arian sy’n ein helpu i amrywio ein ffrydiau ariannol a dod yn fwy gwydn yng ngŵydd sioc yn y dyfodol.’

**Rhwydwaith Cydraddoldeb Menywod Cymru**

## Yr hyn y gwnaethoch chi ei ddweud am ein cyngor llywodraethu

‘Diolch am y sesiwn ardderchog y gwnaethoch chi ei chyflwyno, gwnaeth ein helpu ni i ail-werthuso ein ffordd o feddwl a byddwn ni’n gallu gwneud penderfyniadau mewn modd mwy gwybodus.’ **Cynghrair Niwrolegol Cymru**

## Yr hyn y gwnaethoch chi ei ddweud am ein gwasanaethau diogelu

‘Llawer o ddiolch eto am eich cymorth, arbenigedd a chyngor diweddar wrth adolygu ein polisïau a’n harferion diogelu ...

‘Mae’r mewnbwn pwyllog a gwybodus rydyn ni wedi’i gael gennych chi hyd yn hyn wedi bod yn amhrisiadwy ac rydyn ni’n falch o fod wedi cael y cymorth pwysig hwn drwy CGGC.’ **Laura Drane, Gentle/Radical**

## Yr hyn y gwnaethoch chi ei ddweud am ein cyrsiau hyfforddi

‘Roedd y cwrs yn ddefnyddiol iawn ac mae wedi rhoi mwy o hyder i mi. Mae gennyf eisoes gynlluniau ar gyfer sut i ddiweddarau a newid ein cyllidebau ar gyfer ceisiadau cyllido a llywodraethu.’

**Dysgwr o’n cwrs ‘Rheolaeth Ariannol Elusennau – rheoli costau a chyllidebau’, Ionawr 2022**

# The Mentor Ring

**DIOLCH I'N CRONFA GWYDNWCH Y TRYDYDD SECTOR, GALLAI 'THE MENTOR RING' ESTYN HELP LLAW.**

Bu'n rhaid i 'The Mentor Ring' droi ei holl ddatganiad cenhadaeth ben i waered yn sgil y pandemig, ond gwnaeth cyllid gan Gronfa Gwydnwch y Trydydd Sector (TSRF) eu helpu i nid yn unig goroesi COVID-19 ond hefyd i ehangu eu cyrhaeddiad.

Cenhadaeth 'The Mentor Ring' yw rhoi cymorth ac arweiniad mentora i bobl o bob oed a chefnidir, gan eu helpu i oresgyn rhwystrau sylweddol i gynhwysiant cymdeithasol. Cyn i ddechreuad COVID-19 roi pawb mewn cyfnod clo, eu cyngor i ddefnyddwyr gwasanaethau oedd 'Peidiwch ag ynysu – ewch allan!'

'Nid oedd gennym ni'r amser i wneud cais am gyllid arall, felly gwnaeth TSRF ganiatáu i ni barhau â'n

gwasanaethau yn ogystal â rhedeg rhai ar-lein a oedd yn benodol i'r pandemig,' meddai Sujatha Thaladi, Prif Swyddog Gweithredol 'The Mentor Ring'.

'Bu'n rhaid i ni newid sut oedden ni'n cyflwyno ein gwasanaethau, agor cyfrifon Zoom a recriwtio gwirfoddolwyr newydd gan fod rhai yn gwarchod eu hunain. Ond nid yr arian oedd yn bwysig, y peth pwysig oedd dod â thîm ynghyd.'

Gwnaeth cyllid TSRF ganiatáu i 'The Mentor Ring' oroesi a hefyd i estyn allan a threfnu gweithgareddau newydd fel dosbarthiadau ioga ar-lein, sy'n parhau i gael eu cynnal bob dydd. Gwnaeth y cyllid ganiatáu iddynt wneud newidiadau hirdymor i'w model cyflenwi a chyrraedd mwy o bobl pan oedd ei angen mwyaf.

**Cynllun grantiau a benthyciadau COVID-19 a gyllidir gan Lywodraeth Cymru yw Cronfa Gwydnwch y Trydydd Sector a ddyluniwyd i gynorthwyo mudiadau gwirfoddol i oroesi a ffynnu yn ystod y pandemig. Yn 2021/22, gwnaethom ddsbarthu £6.7 miliwn o gyllid i 172 o ymgeiswyr llwyddiannus.**



'The Mentor Ring' yng Nghanol-fan Gymunedol Butetown

## Ein nod

# Mae mudiadau gwirfoddol yn cael eu gwerthfawrogi mwy a rhoddir mwy o ffydd ynddynt

Gwyddom nad yw pobl bob amser yn sylweddoli'r gwerth aruthrol y mae mudiadau gwirfoddoli yn ei gyfrannu at gymunedau ledled Cymru. Y flwyddyn hon roeddem ni eisiau adeiladu ar y sylw newydd y mae mudiadau gwirfoddol wedi'i gael yn sgil rôl bwysig ein sector o helpu pobl i fynd i'r afael ag effeithiau'r pandemig.

# Yr hyn a wnaethom

**1** Gwnaethom gynnal yr Wythnos Elusennau Cymru gyntaf erioed i ddathlu'r elusennau, y mudiadau gwirfoddol, y grwpiau cymunedol a'r gwirfoddolwyr sy'n cyfoethogi bywydau pob un ohonom yma yng Nghymru

**2** Gwnaethom hyrwyddo gwerth y sector gwirfoddol i benderfynwyr. Gwnaethom gymryd rhan yn yr Wythnos Gwirfoddolwyr a'r Wythnos Ymddiriedolwyr; mynychodd 78 o bobl ein digwyddiadau ar-lein ar gyfer yr Wythnos Ymddiriedolwyr, sef 'Cryfhau eich llywodraethu' a 'Phwysigrwydd llywodraethu ariannol da'. Gwnaethom gryfhau llais mudiadau gwirfoddol gydag Aelodau o'r Senedd drwy gynnal 'hustyngau sector gwirfoddol' gyda'r tair prif blaid cyn etholiadau 2021. Gwnaethom hefyd gyhoeddi darnau gan bob plaid yn gofyn iddynt amlinellu eu gweledigaeth ar gyfer dyfodol y sector gwirfoddol

**3** Gwnaethom gydweithio â Llywodraeth Cymru i sefydlu Grŵp Arweinyddiaeth Traws-sector Gwirfoddoli. Mae'r grŵp yn nodi adnoddau ac yn llywio datblygiad polisiau er mwyn mwyafu cyfraniad gwirfoddoli yng Nghymru

**4** Cyrhaeddodd ein prosiect Ennyn Effaith poblogaidd ei flwyddyn olaf. Wrth iddo ddod i ben, parhaodd y prosiect i gefnogi'r sector yng Nghymru drwy fesur ac arddangos ei effaith, gan hefyd weithio gyda phartneriaid ledled y DU i gynllunio ar gyfer y dyfodol. Gwnaethom gynnal pedwar digwyddiad a dwy weminar, gan ymdrin â phynciau fel 'Arwain ar gyfer effaith', 'Newid mwyaf arwyddocaol' a 'Gweithio gyda gwerthuswyr allanol'. Cyrhaeddodd y prosiect 257 o gyfranogwyr yn ei chwe mis olaf, a chychwynnwyd ar gyfnod o werthuso ym mis Hydref 2021. Dros gyfnod yr holl brosiect, rhwng 2018 a 2021, gwnaethom gynnal 34

o ddigwyddiadau a gweminarau ac ymgysylltu â bron 1000 o gyfranogwyr

**5** Gwnaethom barhau i gynnal a chadw a diweddarau Porth Data'r Sector Gwirfoddol er mwyn cyflwyno tystiolaeth gref o'r sector



Gan ddefnyddio Cyllid Cynhwysiant Gweithredol gan CCGC, gwnaeth Leonard Cheshire helpu James gyda chyflwyo a hunanhyder – gwylwch y fideo yma!

## Astudiaeth achos

# Wythnos Elusennau Cymru

## GWNAETHOM DREFNU WYTHNOS ELUSENNAU CYMRU NEWYDD I DDATHLU EFFAITH MUDIADAU GWIRFODDOL A GWIRFODDOLWYR YNG NGHYMRU.

Wedi'i gefnogi gan ITV Cymru, cynhaliwyd ein Hwythnos Elusennau Cymru gyntaf erioed rhwng 15-19 Tachwedd 2021 a'r nod oedd tywynnu golau ar waith gwych mudiadau gwirfoddol o bob math ar hyd a lled Cymru.

Gwnaethom alw ar bobl i roi amlygrwydd i grŵp a oedd yn agos at eu calonnau, i roi arian neu nwyddau iddynt neu i wirfoddoli gyda nhw.

Gwnaethom hefyd ddefnyddio'r wythnos i ddangos rhai o'r pethau anhygoel y mae elusennau yn eu gwneud yng Nghymru a chomisiynu cyfres o fideos byr i adrodd eu storïau.

Un stori o'r fath oedd un 'Monumental Welsh Women', sef grŵp dan arweiniad gwirfoddolwyr sy'n ceisio gwneud iawn am y ffaith nad oes unrhyw gerfluniau o fenywod go iawn yng Nghymru.



Teulu Betty Campbell yn y dadorchuddiad o gerflun 'Monumental Welsh Women's yng Nghaerdydd

Ar 29 Medi 2021, gosododd y grŵp gerflun er cof am Betty Campbell, y brifathrawes ddu gyntaf yng Nghymru. Hon oedd y cerflun gyntaf o fenyw o Gymru a enwyd, ond hon hefyd oedd yr un gyntaf o fenyw ddu Gymreig.

'Roedd 'Monumental Welsh Women' wrth eu boddau yn cymryd rhan yn Wythnos Elusennau Cymru,' meddai'r

Cyfarwyddwr, Helen Molyneux. 'Mae dathlu'r effaith bwerus y gall gwirfoddolwyr a mudiadau nid-er-elw ei chael, yn enwedig mewn meysydd lle nad oes ffynonellau cyllido ac adnoddau traddodiadol ar gael, mor bwysig, a gobeithio y bydd yn annog pobl eraill i gyflawni prosiectau fel ein un ni.'



# Y gwahaniaeth a wnaethom

Gwnaeth ein Hwythnos Elusennau Cymru arwain nifer o fudiadau gwirfoddol yng Nghymru i gael sylw yn y wasg, ar deledu, ar-lein ac mewn print. Bu ITV Cymru yn ddigon caredig hefyd i bartneru â ni ar yr ymgyrch a thrwy gydol yr wythnos, bu modd i ni roi sylw i'r Groes Goch yng Nghymru, Tir Dewi a 'Follow Your Dreams' ar eu rhaglen 'Wales at Six'.

## Yr hyn y gwnaethoch chi ei ddweud am ein digwyddiadau yn ystod yr Wythnos Ymddiriedolwyr

‘Roeddwn i eisiau diolch yn benodol i chi a'r tîm am eich ymdrechion i sicrhau y gallwn fynychu heddiw. Am sesiwn dda! Roedd hi'n werth fy amser i ddod. Rhai gwersi ardderchog y gellir eu defnyddio yn ogystal â chadarnhad o rai cysyniadau hefyd.’

**Gareth Davies, Ymddiriedolwr ScoutsCymru**

**Dde:** CUBE (Cymuned Unedig i Bawb yn Y Barri) yn agoriad 'The Gallery', caffi a gofod digwyddiadau cymunedol ar Broad Street yn y Barri, a gefnogir gan ein Cronfa Tyfu Busnesau Cymdeithasol ►



## Ein nod

# Mae mudiadau gwirfoddol a gwirfoddolwyr yn cael mwy o effaith ar lesiant, nawr ac yn y dyfodol

Rydym ni'n credu fod y sector gwirfoddol a gwirfoddolwyr yn hanfodol i lesiant pobl a chymunedau ar hyd a lled Cymru. Rydym eisiau cefnogi mudiadau i ddod yn well fyth am wella bywydau pobl. Eleni, roedd ein gwaith ar bolisïau a grantiau yn arbennig o bwysig i gyflawni'r nod hwn.

# Yr hyn a wnaethom

**1** Gwnaethom gyd-gynllunio gweledigaeth deng mlynedd a dyheadau i'r dyfodol ar gyfer y sector gwirfoddol yng Nghymru. Gwnaeth mwy na 100 o fudiadau rannu eu pryderon a'u dyheadau ar gyfer Cymru. Gwnaethom gyhoeddi'r canfyddiadau yn ein hadroddiad, Dyfodol y Sector Gwirfoddol

---

**2** Gwnaethom lansio ein Cronfa Benthyciadau Asedau Cymunedol (CALF) gyda gwerth £67,000 o fenthyciadau ar gael i alluogi mudiadau gwirfoddol i gymryd perchnogaeth o asedau cymunedol. Diolch i'n partneriaeth ag elusen Cynnal Cymru, bu modd i ni gynnig cyfraddau llog llai i fudiadau Cyflog Byw a/neu'r rheini sy'n cynnal cynllun gweithredu sydd ar waith

---

**3** Gwnaethom agor ein cynllun grant Dechrau Busnes Carbon Sero Net, sy'n cynnig cymorth ariannol a thechnegol i helpu mentrau cymdeithasol i gael eu busnesau yn barod i fasnachu, gan hefyd ymwreiddio arferion sy'n ystyriol o'r hinsawdd

---

**4** Gwnaeth ein Cynllun Grant Cymru ac Affrica a'n Cynllun Cymunedau y Dreth Gwarediadau Tirlenwi ddyfarnu mwy na £2.25 miliwn rhyngddynt i'r sector gwirfoddol, a dyfarnodd ein Cronfa Cynhwysiant Gweithredol fwy na £5.5 miliwn i fudiadau a phrosiectau sy'n helpu pobl ddifreintiedig yn ôl i gyflogaeth. Caiff y Gronfa Cynhwysiant Gweithredol ei rheoli gan CCGC, a'i chefnogi gan gyllid o Gronfeydd Strwythurol a Buddsoddi Ewropeaidd

---

**5** Bu ein prosiect Partneriaeth Natur Lleol (LNP) Cymru yn gweithio tuag at greu Cymru fwy gwydn a chyfoethog o natur drwy gydweithio â phobl, cymunedau, penderfynwyr a busnesau. Eleni, gwnaeth y prosiect ymdrin â bron 1,500 o ymholiadau, cynnal bron 650 o ddigwyddiadau a gweithgareddau a chefnogi mwy nag 130 o brosiectau ymarferol, gyda bron 450 o gymunedau yn cael budd o'r gweithgareddau hyn. Mae LNP Cymru hefyd wedi bod yn allweddol i ddarparu grant Lleoedd Lleol ar gyfer Natur Llywodraeth Cymru, gan gefnogi 59 o brosiectau ledled Cymru

---

## Astudiaeth achos

# Cynyddu nifer y bobl ymhlith cymunedau duon a lleiafrifoedd ethnig sy'n manteisio ar gael y brechlyn

### GWNAETH EIN CYLLID BRYS COVID HELPU'R BMHS I GAEL GWYBODAETH AM Y BRECHLYN I GYMUNEDAU DUON A LLEIAFRIFOEDD ETHNIG.

Wedi'i chyllido gan Lywodraeth Cymru, gwnaeth ein Cronfa Adfer y Sector Gwirfoddol (VSRF) helpu'r mudiad newydd yn Abertawe, Gwasanaethau Iechyd Meddwl Pobl Dduon a Lleiafrifoedd Ethnig (BMHS), gyda'i waith ar gynorthwyo cymunedau Duon a Lleiafrifoedd Ethnig i gael gwybodaeth am frechiadau COVID-19. Gwnaeth cymunedau Duon a Lleiafrifoedd Ethnig ddioddef cyfraddau

marwolaeth anghymesurol o uchel drwy gydol y pandemig, a sylwodd Alfred Oyekoya, Cyfarwyddwr BMHS, fod angen 'ymdrechion penodedig i gefnogi pobl o gymunedau Duon a Lleiafrifoedd Ethnig i gael y brechlyn,' gan gynnwys unigolion a oedd yn 'ddigartref; mudwyr heb eu dogfennu; a'r rheini sydd wedi'u hallgau'n ddigidol.'

Gwnaeth BMHS gynnal sesiynau Awr Iechyd ar gyfer cymunedau lleol gyda gweithwyr meddygol proffesiynol Duon a Lleiafrifoedd Ethnig, hyrwyddo uned frechu symudol Imbiwlans y Bwrdd Iechyd a chynnal digwyddiad ar-lein i

helpu pobl i fod yn fwy gwybodus am frechiadau COVID-19.

Ers dechrau'r pandemig, mae BMHS wedi ffurfio cydberthnasau newydd ac wedi parhau i adeiladu ar eu gwaith partneriaeth gyda rhanddeiliaid allweddol eraill yn ardal Abertawe. Gwnaeth hyn i gyd arwain BMHS at ennill tlws yn y noson wobrwyo ar gyfer Arwyr Cymunedol Di-glod yn Abertawe ym mis Mawrth 2022. Dywedodd Alfred: 'Drwy gyllid CgGC, bu modd i ni gyflwyno mwy na 65 o sesiynau mewn nifer o ieithoedd a oedd yn cynnwys llythrennedd iechyd, addysg iechyd meddwl a sesiynau brechu i'r gymuned.

'Gwnaeth y cyllid ein galluogi i ddal ati i ddadlau dros gydraddoldeb iechyd a'i gwneud hi'n bosibl i gynnig hyfforddiant fel rhan o'n hymdrech i normaleiddio sgysiau am iechyd meddwl a gwneud pynciau iechyd meddwl yn fwy perthnasol a hygyrch i bawb.'



◀ **Chwith:** Gwasanaethau Iechyd Meddwl pobl dduon a lleiafrifoedd ethnig (BMHS) y tu allan i Imbiwlans Abertawe

# Y gwahaniaeth a wnaethom

**1** Gwnaethom barhau i ymgysylltu â Llywodraeth Cymru ar lefel uchel. Gwnaethom hwyluso chwe chyfarfod rhwng Gweinidogion Llywodraeth Cymru a'r sector gwirfoddol, yn ogystal â dau gyfarfod i Gyngor Partneriaeth y Trydydd Sector, a gadeiriwyd gan y Gweinidog Cyfiawnder Cymdeithasol. Mewn cyfarfod â'r Gweinidog Iechyd a Gwasanaethau Cymdeithasol, Eluned Morgan AS, canmolodd y Gweinidog y sector gwirfoddol am eu 'gwaith anhygoel' yn ystod y pandemig, gan ddweud na fyddai Cymru wedi dod drwyddi heb eu hymdrechion nhw

**2** Gwnaethom ymateb i 11 o ymgynghoriadau gan Lywodraeth Cymru a Senedd Cymru ar bynciau fel y Cynllun Gweithredu Cydraddoldeb Hiliol a Chyllideb ddrafft Llywodraeth Cymru, yn ogystal ag ymgynghoriadau gan Lywodraeth y DU ar bethau fel y Strategaeth Wydnwch Genedlaethol a diwygio'r Ddeddf Hawliau Dynol. Gwnaeth ein gwaith dylanwadu ac ymgysylltu arwain CGGC i gael ei grybwyll 85 o weithiau mewn sesiynau llawn,

cyfarfodydd pwyllgor ac adroddiadau llywodraethol Senedd Cymru

**3** Cyflwynodd Llywodraeth y DU gynigion i ddiddymu Deddf Hawliau Dynol 1998 a fyddai'n tansilio'r gwaith y mae'r sector gwirfoddol yn ei wneud i gryfhau hawliau dynol, cydraddoldeb a llesiant yng Nghymru. Drwy Fforwm Cymdeithas Sifil Cymru, prosiect a gaiff ei redeg mewn partneriaeth â Chanolfan Llywodraethiant Cymru, gwnaethom weithio gyda'r Grŵp Rhanddeiliaid Hawliau Dynol a'r Gynghrair Cydraddoldebau a Hawliau Dynol i drefnu ymateb brys i'r ymgynghoriad ffenestr gul. Cydnabu ein gwaith gan Lywodraeth Cymru a gymerodd ran yn y rhan helaeth o'n gweithgareddau, yn helpu i lunio eu hymateb swyddogol eu hunain i'r ymgynghoriad a adleisiodd lawer o'r pwyntiau a godwyd gan y sector gwirfoddol. Gwnaeth Sioned Williams AS a Jane Hutt AS grybwyll y gwaith wrth i'r Senedd fabwysiadu cynnig yn mynegi'r un pryderon dybryd â'r sector. Gwnaeth ein gwaith hefyd fwydo i mewn i ymdrechion ledled y DU i gefnogi pobl i ymhél â'r

ymgynghoriad ar y Ddeddf Hawliau Dynol, a aeth ymlaen i dderbyn 12,873 syfrdanol o ymatebion o bob cwr o'r DU

**4** Gwnaethom gyflwyno tystiolaeth ar lafar i bwyllgorau Senedd Cymru ar bynciau fel proffil rhyngwladol Cymru a chraffu ar weinyddiaeth gyhoeddus, ac i Dŷ'r Arglwyddi ar fframweithiau cyffredin ar ôl ymadael â'r Undeb Ewropeaidd

**5** Bu ein prosiect Helplu Cymru yn gweithio gyda rhanddeiliaid, gan gynnwys Age Cymru, i lunio cynllun i alluogi gwirfoddolwyr i ymweld â chartrefi gofal yn ystod y pandemig, a nododd un gwirfoddolwr sut roedd wedi helpu i 'gymryd y baich oddi ar ysgwyddau' staff cartrefi gofal ymroddedig. Gwnaeth Helplu hefyd weithio gyda Chomisiwn Bevan ar lwybr 'gwirfoddoli i yrfa', gan nodi arweinwyr clinigol a oedd â diddordeb mewn datblygu cyfleoedd a llwybrau gwirfoddoli i mewn i yrfaoedd iechyd a gofal, a helpu i gefnogi tri phrosiect peilot ar wirfoddoli mewn gofal diwedd oes



◀ **Chwith:** Gwnaeth gweithio yng ngardd gymunedol Anturiaethau Organig Cwm Cynon fagu hyder pobl ifanc

## Astudiaeth achos

# Cynllun lleoliad swydd yn rhoi hwb i bobl ifanc

**GWNAETHOM GYNORTHWYO ANTURIAETHAU ORGANIG CWM CYNON I GAEL MWY NA PHÂR YCHWANEGOL O DDWYLO DRWY GYNLLUN KICKSTART.**

Mae CGGC wedi bod yn cynorthwyo mudiadau gwirfoddol yng Nghymru i fanteisio ar brosiect yr Adran Gwaith a Phensiynau, Kickstart. Mae'r cynllun yn caniatáu i gyflogwyr wneud cais am gyllid i greu lleoliadau gwaith chwe mis o hyd i bobl ifanc ar Gredyd Cynhwysol neu'r Lwfans Ceisio Gwaith, ac sydd mewn perygl o fod yn bobl ddi-waith hirdymor.

Gwnaethom helpu Anturiaethau Organig Cwm Cynon (CVOA), gardd gymunedol menter gymdeithasol yn Abercynon, i wneud cais llwyddiannus i'r Cynllun Kickstart a rhoi gwaith i bum unigolyn ifanc - a gwnaeth eu cyfranogwyr ifanc ffynnu!

Yn eu lleoliadau, bu'r cyflogeion Kickstart yn ymwneud â phlannu bwyd, cynaeafu,

cynnal a chadw cnydau a chynefinoedd, bioamrywiaeth ac adfer ardal yr afon. Gwnaethant hefyd ddysgu sut i ofalu am goed, helpu i adeiladu ardal goginio awyr agored a gweithio gyda grwpiau o blant anabl, yn egluro beth oedd gwahanol offer garddio yn eu gwneud.

Mae'r lleoliadau wedi rhoi mwy o hyder i'r bobl ifanc. Disgrifiodd Janis Werrett, Cyfarwyddwr CVOA, un o'r bobl ifanc, Meg, fel 'person hollol wahanol nawr. Rydyn ni wedi'i chefnogi hi ac mae wedi datblygu ei llais ei hun, i'r graddau ei bod hi eisiau gwneud mecaneg ceir yn y coleg.'

Gwnaeth hefyd siarad am sut roedd y grŵp wedi mynd y tu hwnt i gylch gwaith y lleoliadau Kickstart, yn clirio gardd menyw nad oedd yn gallu gadael ei chartref gan ddefnyddio'r offer a'r sgiliau a ddysgwyd ar eu lleoliad.

## Ein nod

# Mae CGGC yn fwy cynaliadwy a chyfrifol

Rydym eisiau sicrhau ein bod yn gweithio mewn modd cynaliadwy sydd hefyd yn ennyn a chefnogi diwylliant o gynaliadwyedd ledled Cymru. Yn ystod 2021/22, ein nod oedd sicrhau bod lleisiau amrywiol a chynhwysol wrth wraidd ein prosesau penderfynu.

# Yr hyn a wnaethom

**1** Gwnaethom gwblhau'r symud i brif swyddfa newydd yng Nghaerdydd. Gyda swyddfeydd yn y Rhyl ac yn Aberystwyth bellach, rydym yn gweithredu'n gyfan gwbl ar y cwmwl ac yn dilyn model gweithio hybrid hyblyg ar gyfer ein staff, sy'n gallu gweithio ble bynnag a phryd bynnag y dymunant cyhyd â'i fod yn bodloni gofynion eu rôl

**2** Gwnaethom weithio gyda'n haelodau i gynnal adolygiad cynhwysfawr o'r blaenoriaethau i'r sector gwirfoddol yn y blynyddoedd i ddod

**3** Gwnaethom roi hyfforddiant Cydraddoldeb, Amrywiaeth a Chynhwysiant (EDI) i 97% o'n staff, naill ai drwy hyfforddiant llawn tair awr o hyd neu sesiynau diweddarau awr o hyd

**4** Gwnaethom gefnogi staff gyda'n hyrwyddwyr llesiant, ein parth llesiant i staff a thrwy drefnu clybiau ar-lein i leihau ynysu a chysylltu â'n gilydd

**5** Gwnaethom gynnal sesiynau 'cwrdd â'r noddwyr' gyda mudiadau gwirfoddol a oedd yn mynd i'r afael â'r ffurfiau amrywiol o wahaniaethu, gan ein helpu ni i gyrraedd cynulleidfa fwy amrywiol

▼ **Isod:** Samantha Carpenter, ein Swyddog Cydraddoldeb, Amrywiaeth a Chynhwysiant yn siarad drwy ein Cynllun Gweithredu EDI gyda'r staff





# Y gwahaniaeth a wnaethom

## Astudiaeth achos

# Datblygu EDI

**RYDYM YN SYLWEDDOLI BOD GWAHANIAETHU, RHAGFARN AC ANFANTAIS YN BODOLI YN EIN CYMDEITHAS. GWNAETHOM BARHAU Â'N HYMRWYMIAD I GYFRANNU AT Y GWAITH O HELPU I DDIFA HYN DRWY WEITHIO'N GADARNHAOL I HYRWYDDO CYMDEITHAS FWY CYNHWYSOL.**

Gan weithio ar waith a ddechreuodd yn 2020/21, gwnaethom ddal ati â'n hymrwymiad i ddarparu ein holl wasanaethau a chyfleoedd cyflogaeth ar sail deg a chyfartal.

Mae ein grŵp hyrwyddwyr Cydraddoldeb, Amrywiaeth a Chynhwysiant (EDI) wedi bod yn ganolog i hyn, yn parhau i gwrdd yn rheolaidd ac yn galluogi staff i ymgysylltu ag ymddiriedolwyr, rhannu syniadau a dylanwadu ar gyfeiriad CGGC ar ein taith EDI.

Gwyddom fod gan y sector gwirfoddol gasgliad amrywiol o brofiadau byw mewn materion sy'n effeithio ar bobl â nodweddion gwarchodedig o bob cefndir. Yn ystod 2021/22, gwnaethom arwain y gwaith ar hybu ac ymateb i ymgynghoriadau llywodraethol ar gydraddoldebau a hawliau dynol.

Trwy ymgysylltiad staff a gafodd ymateb da, gwnaethom hefyd ddatblygu Cynllun Gweithredu EDI heriol gyda 26 o gamau

gweithredu ar gyfer y flwyddyn i ddod.

Yn olaf, gwnaethom gyflwyno Asesiadau o'r Effaith ar Gydraddoldeb er mwyn canolbwyntio ar grwpiau â nodweddion arbennig wrth wneud penderfyniadau, gan ein galluogi i nodi effeithiau cadarnhaol y gellid eu cyflwyno neu eu cynyddu neu effeithiau negyddol y gellid eu lliniaru.

'Mae gwaith arwyddocaol ar draws pob rhan o'n mudiad yn ystod y flwyddyn ddiwethaf wedi caniatáu i ni wirioneddol ddeall ble rydym ni ar ein taith EDI ar hyn o bryd,' meddai Samantha Carpenter, ein Swyddog Cydraddoldeb, Amrywiaeth a Chynhwysiant.

'Mae'r gwaith paratoi hwn yn ein rhoi mewn sefyllfa i allu cyflawni ein cynllun gweithredu heriol ac i gyfrannu at flwyddyn un ein Cynllun Strategol ar gyfer 2022 i 2027 mewn modd ystyrlon.'

**Yr hyn y gwnaeth staff ei ddweud am ein hyfforddiant EDI**

'Gwnaeth Samantha waith ardderchog yn darparu sesiwn ddiddorol iawn, a oedd yn teimlo'n berthnasol ac yn bwrpasol i'n gwaith ni yma yn CGGC. Mae cael hyfforddiant trylwyr wedi'i gyflwyno gan arbenigwr yn y maes wedi rhoi'r hyder i mi fod gennyf yr wybodaeth ddiweddaraf am faterion EDI a byddaf yn parhau i ddefnyddio arferion gorau ym mhob agwedd ar fy ngwaith - wrth ryngweithio â chydweithwyr, rhanddeiliaid allanol ac aelodau.'

## Ein nod

# Mae CGGC yn gwneud defnydd gwell o adnoddau mwy amrywiol

Rydym yn gweithio i amrywio ein sylfaen gyllido, yn gwneud defnydd gwell o ddigidol ac yn hyrwyddo diwylliant o wella'n barhaus a chydweithio ag eraill. Eleni, gwnaethom ganolbwyntio ar ddatblygu ein gwasanaethau digidol a gweithio gydag eraill, gan gynnwys ein partneriaid allweddol, y Cyngorau Gwirfoddol Sirol, er mwyn cyfuno ein harbenigedd lleol, rhanbarthol a chenedlaethol.

# Yr hyn a wnaethom

**1** Gwnaethom gynnal ein fersiwn ar-lein gyntaf o gofod3, digwyddiad blaenllaw CGGC a'r achlysur mwyaf o'i fath i'r sector gwirfoddol yng Nghymru. Cawsom wythnos o weminarau, gweithdai a thrafodaethau a fynychwyd gan fwy na 1,000 o bobl

---

**2** Ar ôl addasu'n gyflym i gyflwyno hyfforddiant a digwyddiadau ar-lein yn 2020, gwnaethom barhau i roi cymorth yn ddigidol tra nad oedd wyneb yn wyneb yn bosibl

---

**3** Erbyn diwedd 2021, roedd ein 'strategaeth gwasanaethau digidol' ar waith yn llawn, a daeth CGGC yn fudiad a oedd yn gyfan gwbl yn y cwmwl

---

**4** Gwnaethom barhau â'n partneriaeth â mudiad Cynnal Cymru, y prif fudiad ar gyfer datblygu cynaliadwy yng Nghymru. Gyda'n gilydd, gwnaethom ganolbwyntio ar yr economi sylfaenol a sicrhau bod cynaliadwyedd yn ganolog i ddatblygu polisïau ac arferion

---

**5** Gwnaethom arwain ar waith i ddatblygu'r Hwb Gwybodaeth fel rhan o rwydwaith Cefnogi Trydydd Sector Cymru, ein partneriaeth â'r Cynghorau Gwirfoddol Sirol. Mae'r Hwb yn cynnig adnoddau, hyfforddiant a rhwydweithio ar-lein am ddim i fudiadau gwirfoddol yng Nghymru

---

**6** Gwnaethom barhau â'n hymrwymiad i ddysgu staff yn barhaus, a chyflwynwyd yr holl gyrsiau hyfforddi staff ar-lein. Gwnaeth ein staff gofnodi 328 o wahanol adegau lle roeddent wedi cyrchu deunyddiau dysgu ar bynciau fel y GDPR, ymwybyddiaeth o'r Gymraeg a marchnata

---

# Y gwahaniaeth a wnaethom

Gwnaethom gydweithio gyda phartneriaid Cefnogi Trydydd Sector Cymru i ddosbarthu £1.5 miliwn y Gronfa Pwysau'r Gaeaf. Gwnaeth hyn gyllido ymdrechion lleol a helpodd i liniaru'r pwysau ar y GIG drwy ehangu gweithgareddau cyfredol a chreu mwy o gapasiti mewn mudiadau. Canmolodd Gemma Lelliot, Cyfarwyddwr Cymru Cymdeithas Cludiant Cymunedol Cymru, rôl CGGC yn hyn, gan ddweud: 'Mae cymorth CGGC yn gyffredinol yn amhrisiadwy, ac rydyn ni'n wirioneddol werthfawrogi'r cysylltiadau a'r ymgysylltiadau rydyn ni'n rhan ohonynt drwy eich cymorth rhagweithiol.'

## Yr hyn y gwnaeth ein staff ei ddweud am yr hyfforddiant ar-lein y gwnaethant ei fynychu

'Cefais fy siomi ar yr ochr orau gan ba mor ddiddorol oedd y cwrs, yn enwedig gan ystyried ei fod yn cael ei gyflwyno ar-lein. Defnyddiwyd y dechnoleg mewn modd clyfar. Profiad positif iawn ar y cyfan. Rwy'n fwy na pharod i wneud penderfyniadau sylfaenol ar faterion sy'n ymwneud â'r GDPR ac rwy'n gwybod at bwy i droi os byddaf yn wynebu sefyllfa fwy cymhleth.'

**Aelod staff a fynychodd ein hyfforddiant GDPR**

# Caffi Trwsio Cymru

**GWNAETH EIN BUDDSODDIAD BACH YNG NGHAFI TRWSIO CYMRU GYFRANNU AT Y TONNAU MAWR Y MAE'R MUDIAD YN EI WNEUD YNG NGHYMRU.**

Mae Caffi Trwsio Cymru wedi mynd o dderbyn grant bychan drwy Gynllun Cymunedau'r Dreth Gwarediadau Tirlenwi (LDTCS) i gael ei gynnwys yn y Rhaglen newydd ar gyfer Llywodraeth Cymru.

Yn 2018, cafodd Caffi Trwsio Cymru gyllid gan LDTCS i sefydlu wyth caffi trwsio newydd a hyfforddi gwirfoddolwyr i drwsio eitemau a oedd ar y ffordd i safleoedd tirlenwi, addysgu sgiliau trwsio ac i annog uwchgyrchu.


'Ar ôl i ni gael y grant cychwynnol gan CGGC, fe gychwynnodd y busnes o ddifrif!' meddai Phoebe Brown, Cyfarwyddwr Caffi Trwsio Cymru, 'D'yn ni ddim yn bum mlwydd oed eto ac rydyn ni wedi tyfu mor gyflym.'

Bu'r prosiect yn gymaint o lwyddiant fel y dyfarnwyd 'grant Arwyddocad Cenedlaethol' mwy o faint LDTCS i Gaffi Trwsio Cymru i ddatblygu a pheilotu technoleg sy'n hwyluso ac yn monitro gwerth trwsio ac aildddefnyddio.

Yn ogystal â hyn, cyhoeddodd Llywodraeth Cymru ei rhaglen newydd ym mis Mehefin 2021 yn nodi eu hymrwymiaid ar gyfer y bum mlynedd nesaf. Roedd yn cynnwys yr addewid i gefnogi 80 o ganolfannau aildddefnyddio a thrwsio yng nghanol trefi ar hyd a lled Cymru.

'Mae'n grêt gweld eu bod nhw'n bwriadu parhau i gefnogi Caffis Trwsio ac eisiau gweld mwy ohonyn nhw, oherwydd ein nod fel mudiad yw gweld un ym mhob cymuned yng Nghymru,' meddai Phoebe. 'Rydyn ni'n gwybod bod llawer mwy i ddod a ph'un a gaiff y rheini eu cyflwyno gennym ni neu gan fudiadau eraill, mae'n gam go iawn yn y cyfeiriad cywir.' Caiff LDTCS ei gyllido gan Lywodraeth Cymru a'i weinyddu gan CGGC mewn partneriaeth â Chynghorau Gwirfoddol Sirol.

**Dde:** Caffi Trwsio Cymru yn helpu pobl i drwsio cyfarpar electronig fel y gellir eu haildddefnyddio yn hytrach na mynd i safle tirlenwi ►




# Ein cyllid

Mae'r ffigurau hyn yn rhoi trosolwg o'n perfformiad ariannol ar gyfer 2021/22.


YN YSTOD Y FLWYDDYN, GWNAETHOM DDOSBARTHU **£28.9 MILIWN** MEWN GRANTIAU A BENTHYCIADAU I'R SECTOR GWIRFODDOL. EIN HINCWM OEDD **£39 MILIWN** A'N GWARIANT OEDD **£35.5 MILIWN**.

## Incwm £39 miliwn




- Incwm cyfyngedig
- Incwm anghyfyngedig

## Incwm cyfyngedig £33.8 miliwn




- Grantiau derbyniadwy
- Incwm o fuddsoddiadau
- Gweithgareddau masnachu eraill

## Incwm anghyfyngedig £5.2 miliwn



- Grantiau derbyniadwy
- Gwerthiant eiddo
- Gwariant a adferwyd
- Gweithgareddau masnachu eraill
- Incwm arall
- Incwm o fuddsoddiadau

## Gwariant £35.5 miliwn



- Grantiau i'r sector
- Costau staff (cyflogau, recriwtio, hyfforddiant ac ati)
- Gorbenion (costau'r adeilad, cyfarpar, cyfleustodau ac ati)
- Costau eraill (archwiliadau, ymgynghorwyr, marchnata ac ati)

Mae ein Cyfrifon Blynnyddol llawn ac adroddiad yr archwilydd annibynnol ar y cyfrifon hynny ar gael ar [wefan y Comisiwn Elusennau](#).

# Aelodau bwrdd CGGC

## Llywydd

Michael Sheen

## Is-lywyddion

Tom Jones OBE

Margaret Thorne CBE DL

## Cadeirydd

Peter Davies CBE

## Is-gadeirydd

Fran Targett OBE

## Trysorydd

Jonathan Evans

(Ymddiswyddodd 3 Mawrth 2022)

Colin Arnold

(Penodwyd 3 Mawrth 2022)

## Ymddiriedolwyr

Steve Brooks

Rocio Cifuentes

(Ymddiswyddodd 3 Mawrth 2022)

Lindsay Cordery-Bruce

Lisa Davies

Rhian Davies

(Penodwyd 18 Tachwedd 2021)

Elizabeth Girling

(Ymddiswyddodd

18 November 2021)

Simon Harris

Chris Lines

Mark Llewellyn

Sara Moseley

(Ymddiswyddodd

18 November 2021)

Menai Owen-Jones

(Penodwyd 18 Tachwedd 2021)

Joe Stockley

Edward Watts MBE DL

Helen Bulkeley (a adnabyddir fel

Helen White) (Ymddiswyddodd 18

Tachwedd 2021)

Dr Neil Wooding CBE

(Penodwyd 16 Chwefror 2022)

Kate Young

## Sylwedydd

Colin Arnold (rhwng Chwefror

2021 a Mawrth 2022)

(Defigo Finance Ltd)

## Ysgrifenyddes

Tracey Lewis

## Rhif cofrestru'r cwmni

0425299

## Rhif elusen

218093

## Swyddfa Gofrestredig:

Un Rhodfa'r Gamlas,

Heol Dumballs,

Caerdydd,

CF10 5BF

## Bancwyr

Barclays Bank Plc,

Llys Windsor,

1-3 Plas Windsor,

Caerdydd,

CF10 3BX

## Cynghorwyr cyfreithiol

Geldards LLP,

Cwr y Ddinas Rhif 4,

Stryd Tyndall,

Caerdydd,

CF10 4BZ

Hugh James,

Dau Sgwâr Canolog,

Caerdydd,

CF10 1FS

Capital Law,

Adeilad Capital,

Stryd Tyndall,

Caerdydd,

CF10 4AZ

## Archwilydd

Bevan Buckland LLP

Llawr Gwaelod,

Cardigan House,

Castle Court,

Parc Menter Abertawe,

Abertawe,

SA7 9LA



# Diolch

Hoffai CGGC ddiolch i'n holl aelodau a phartneriaid am eu cefnogaeth y flwyddyn hon, yn ogystal â'r canlynol:

[AccountsIQ](#)

[ACEVO](#)

[Addysg a Gwella  
Iechyd Cymru \(AaGIC\)](#)

[Aimee Parker  
Consultancy](#)

[Arts Factory](#)

[Ateb](#)

[Barclays Bank PLC](#)

[Bevan Buckland LLP](#)

[Canolfan Polisi  
Cyhoeddus Cymru](#)

[Carys Mair  
Communications  
Cyfathrebu](#)

[Catherine Hester](#)

[Class Networks](#)

[Clear the Fog](#)

[Comic Relief](#)

[Comisiwn Bevan](#)

[Cranfield Trust](#)

[Cronfa Dreftadaeth y  
Loteri Genedlaethol](#)

[Cronfa Gymunedol y  
Loteri Genedlaethol](#)

[Cwmpas \(Canolfan  
Cydweithredol Cymru  
cyn hyn\)](#)

[Cyfryngau Digidol  
Tantrwm](#)

[Cymdeithas Cyfieithwyr  
Cymru](#)

[Cymdeithas  
Llywodraeth Leol  
Cymru \(CLLCC\)](#)

[Cymen](#)

[Cynllun Iechyd HSF](#)

[Chwaraeon Cymru](#)

[Darwin Gray](#)

[Data Cymru](#)

[Data Orchard](#)

[Futurice Ltd](#)

[GIG Cymru](#)

[Gofal Cymdeithasol  
Cymru](#)

[Grow Social Capital CIC](#)

[Grŵp Arweinyddiaeth](#)

[Traws-sector  
Gwirfoddoli \(VCSLG\)](#)

[Helplu](#)

[Hub Cymru Affrica](#)

[Huw Irwin Associates](#)

[Iechyd Cyhoeddus  
Cymru](#)

[ITV Cymru Wales](#)

[Keegan and Pennykid](#)

[Landsker](#)

[Legal Education  
Foundation](#)

[Lloyds Bank  
Foundation](#)

[Llywodraeth Cymru](#)

[NCVO](#)

[Nesta](#)

[New Economics  
Foundation](#)

[NHS Charities Together](#)

[Nico](#)

[Prifysgol Caerdydd](#)

[ProMo Cymru](#)

[Pugh Computers](#)

[Recruit3](#)

[Richard Newton  
Consulting](#)

[Russell Todd](#)

[Salesforce](#)

[Savage and Gray](#)

[Sefydliad Siartredig  
Codi Arian](#)

[Social Investment  
Business](#)

[Social Investment  
Scotland](#)

[Swyddfa Cyllid  
Ewropeaidd Cymru  
\(WEFO\)](#)

[Tîm Cymorth Ieuenctid  
Ethnig \(EYST\)](#)

[The Scottish Council  
for Voluntary  
Organisations \(SCVO\)](#)

[The Wellbeing Planner](#)

[Volunteer Now](#)

[Volunteer Scotland](#)

[WISERD](#)

[Wrigleys Solicitors](#)

[Y Brifysgol Agored yng  
Nghymru](#)

[Y Ganolfan  
Gwasanaethau  
Cyhoeddus Digidol  
\(CDPS\)](#)

[Yr Uned Pobl a Gwaith](#)

[Ysgol Ymchwil  
Presgripsiynu  
Cymdeithasol Cymru  
\(WSSPR\)](#)